

ქ. თბილისი

„ 27 “ აგვისტო 2019 წ.

ერთის მხრივ საქართველოს გარემოს დაცვისა და სოფლის მეურნეობის სამინისტროს ს.ს.ი.პ. – სურსათის ეროვნული სააგენტო (შემდგომში “შემსყიდველი”) წარმოდგენილი სააგენტოს უფროსის მოვალეობის შემსრულებლის ვასილ ბასილაძის სახით და მეორეს მხრივ შპს „დრუნჯა“ წარმოდგენილი მისი დირექტორის, თამაზ ლუხუტაშვილის სახით (შემდგომში “მიმწოდებელი”), “სახელმწიფო შესყიდვების შესახებ” საქართველოს კანონისა და მიმწოდებლის სატენდერო წინადადების საფუძველზე, NAT190014606 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “ტექნიკური დავალება” - სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.
- 1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

- 2.1. ხელშეკრულების საგანს წარმოადგენს მსხვილფეხა და წვრილფეხა პირუტყვის თურქულის საწინააღმდეგო ვაქცინის (CPV33651690), შესყიდვა;
- 2.2. მოსაწოდებელი საქონლის რაოდენობა და ერთეულის ფასი მოცემულია წინამდებარე ხელშეკრულების დანართი №1-ში, რომელიც წარმოადგენს ხელშეკრულების განუყოფელ ნაწილს

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 676 869 (ექვსასსამოცდათექვსმეტი ათას რვაას სამოცდაცხრა) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადს.
- 3.3. ხელშეკრულება ფინანსდება სახელმწიფო მიზნობრივი ქვეპროგრამის, “ცხოველთა ჯანმრთელობის დაცვა და იდენტიფიკაცია-რეგისტრაცია”-ს ფარგლებში.

4. საქონლის მიწოდების ვადები და ადგილი

4.1. ვაქცინები შემსყიდველს უნდა მიეწოდოს ხელშეკრულების გაფორმებიდან 60 კალენდარული დღის ვადაში.

4.2. ვაქცინების მიწოდების ადგილია – სურსათის ეროვნული სააგენტო, თბილისი, მარშალ გელოვანის №6.

4.3. მიწოდების ადგილზე საქონლის დაცლა-დასაწყობება წარმოადგენს მომწოდებლის ვალდებულებას.

5. მოწოდებული საქონლის შემოწმება და მიღება-ჩაბარების წესი

5.1. საქონლის მიწოდებიდან ერთი კვირის განმავლობაში, შემსყიდველის მხრიდან განსაზღვრული ხელშეკრულების შესრულებაზე კონტროლის განმახორციელებელი პირები მოახდენენ მიწოდებული საქონლის შესაბამისობის შემოწმებას სატენდერო დოკუმენტაციის მოთხოვნებსა და ხელშეკრულების პირობებთან (რაოდენობა, მთლიანობა, მახასიათებლები, ტემპერატურული რეჟიმის დაცვა და ა.შ.), რის შემდეგაც მხარეებს შორის გაფორმდება მიღება-ჩაბარების აქტი, შესაბამისი ღირებულების ასახვით.

5.2. იმ შემთხვევაში, თუ მიწოდებული საქონლის ყოველ პარტიაზე დაზიანებული ან/და გამოსაყენებლად უვარგისი აღმოჩნდა აღნიშნული პარტიის მთლიანი რაოდენობის არაუმეტეს 1%-ისა, მიმწოდებელმა უნდა უზრუნველყოს დაზიანებული ნაწილის ჩანაცვლება ნაკლოვანების გამოვლენიდან 30 დღის განმავლობაში. აღნიშნულ ვადაზე შემსყიდველი არ დააკისრებს მიმწოდებელს პირგასამტეხლოს.

5.3. შემსყიდველის მხრიდან მიღება-ჩაბარების აქტზე ხელმოწერი პირები იქნებიან კონტროლის განმახორციელებელი ჯგუფის წევრები.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ.

6.2. ანგარიშსწორების ფორმა იქნება – უნაღდო.

6.3. ანგარიშსწორება მოხდება 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმისდა მიხედვით რომელი უფრო გვიან მოხდება).

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს საქონლის ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია:

7.4.1. შემსყიდველს მიაწოდოს სატენდერო დოკუმენტაციითა და ამ ხელშეკრულებით განსაზღვრული მახასიათებლების მქონე, დადგენილი ხარისხისა და სტანდარტების საქონელი

7.4.2. გადასცეს შემსყიდველს უფლებრივად და ნივთობრივად უნაკლო საქონელი.

7.4.3. მიმწოდებელი პასუხისმგებელია ვაქცინის ინსტრუქციით გათვალისწინებული შენახვის პირობების, ვაქცინის ტრანსპორტირებისას დაცული უნდა იყოს შესაბამისი ტემპერატურული რეჟიმი (ცივი ჯაჭვის პრინციპი), რაც უნდა დასტურდებოდეს ტრანსპორტირებისას თითოეულ

პარტიაზე არანაკლებ 3 ცალი (სხვადასხვა ყუთში მოთავსებული) შესაბამისი ელექტრო თერმოლოგერებზე დაფიქსირებული მონაცემების საშუალებით. ვაქცინის მოწოდებისას, ადგილზე მომწოდებელთან ერთად მოხდება თერმოლოგერებით დაფიქსირებული მონაცემების გადმოწერა, რაც შედარებული იქნება მწარმოებლის მიერ ვაქცინის ტრანსპორტირების დროს დასაშვები ტემპერატურული რეჟიმის შესახებ გაცემულ დოკუმენტთან.

7.4.4. გაფუჭებისაგან საქონლის მიწოდების ადგილამდე ტრანსპორტირების პროცესში შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ნალექის ზემოქმედებას, ასევე, ღია ცის ქვეშ შენახვას. საქონელი უნდა იყოს შეფუთული და მარკირებული საერთაშორისო სტანდარტების თანახმად; პრეპარატი დაფასოებული უნდა იყოს სტანდარტულ, მარკირებულ ტარაში, თითოეულ ფლაკონში მზა ვაქცინის დაფასოება არ უნდა აღემატებოდეს 50 დოზას.

8. ხელშეკრულების შესრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. გარანტია

9.1. მიმწოდებელი იძლევა გარანტიას, რომ მის მიერ მოწოდებული პროდუქცია იქნება ხარისხიანი, საერთაშორისო სტანდარტების, ტენდერის ტექნიკურ დავალებაში მითითებული მოთხოვნების სრულ შესაბამისობაში, წინააღმდეგ შემთხვევაში მომწოდებელი ვალდებულია საკუთარი სახსრებით გამოასწოროს ნაკლი.

10. ხელშეკრულების საგარანტიო უზრუნველყოფა

10.1. მიმწოდებლის მიერ წარმოდგენილია ხელშეკრულების უზრუნველყოფის გარანტია ხელშეკრულების ღირებულების 5%-ს ოდენობით, რომლის მოქმედების ვადა ერთი თვით აღემატება ხელშეკრულების მოქმედების ვადას. აღნიშნული საგარანტიო უზრუნველყოფიდან მოხდება მიმწოდებლის ბრალით გამოწვეული ზიანის ანაზღაურება, მათ შორის ხელშეკრულების მე-11 მუხლით გათვალისწინებული პირგასამტეხლობისა.

11. პირგასამტეხლო ხელშეკრულების პირობების შეუსრულებლობისათვის

11.1. მიმწოდებლის მხრიდან ხელშეკრულებით ნაკისრი ვალდებულებების არაჯეროვნად შესრულების შემთხვევაში, მას დაეკისრება პირგასამტეხლო არაჯეროვნად მშესრულებული ვალდებულების 0.02 % ოდენობით.

11.2. მიმწოდებლის მხრიდან ხელშეკრულების 4.1. პუნქტით გათვალისწინებული ვადის დარღვევის შემთხვევაში, მას დაეკისრება პირგასამტეხლო ვადაგადაცილებით მიწოდებული საქონლის ღირებულების 0.02 % ოდენობით, ყოველ ვადაგადაცილებულ დღეზე;

11.3. ხელშეკრულებით ნაკისრი ვალდებულების შეუსრულებლობის შემთხვევაში, მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

11.4. თუ ხელშეკრულების 11.1. და 11.2. პუნქტებით გათვალისწინებული პირგასამტეხლოს თანხა გადააჭარბებს ხელშეკრულების ჯამური ღირებულების 1%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

11.5. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის ფასის შეცვლა დაუშვებელია, თუ, ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

13.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ, ზემოაღნიშნული გამოწვეულია დაუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ, არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

14.3. მხარეთა ვალდებულებები და პასუხისმგებლობა განხლდება დაუძლეველი ძალის მოქმედების დასრულებისთანავე.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. ხელშეკრულება შედგენილია ქართულ ენაზე, ელექტრონულად.

15.3. წინამდებარე ხელშეკრულება ძალაშია ხელმოწერის დღიდან და მოქმედებს 2019 წლის 25 დეკემბრის ჩათვლით.

15.4. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

სსიპ – სურსათის ეროვნული სააგენტო	შ.პ.ს. “დრუნჩა”,
ს.კ. – 205142200 თბილისი, მარშალ გელოვანის №6 სახელმწიფო ხაზინა ანგ. №200122900 კოდი: 220101222	ს.კ. – 440887239 ქარელი. სოფ. ქვემო ხვედურეთი მომსახურე ბანკი: ს.ს. “ ვითიბი ბანკი” ბ.კ. – UGEBGE22 ა.ა. – GE07VT0200002622793602
სააგენტოს უფროსის მ.შ.	დირექტორი
ვასილ ბასილაძე	თამაზ ლუხუტაშვილი



ვაქცინის დასახელება	მწარმოებელი ქვეყანა	მწარმოებელი კომპანია	განზომილების ერთეული	რაოდენობა	ერთეულის ფასი	საერთო ღირებულება
მსხვილფეხა და წვრილფეხა პირუტყვისათვის თურქულის საწინააღმდეგო ვაქცინა	რუსეთი	შჩელკოვოს ბიოკომბინატი	დოზა	825 450	0.82	676 869.00

შემსყიდველი

მიმწოდებელი

სსიპ – სურსათის ეროვნული სააგენტო	შ.პ.ს. “დრუნჩა”,
ს.კ. – 205142200 თბილისი, მარშალ გელოვანის №6 სახელმწიფო ხაზინა ანგ. №200122900 კოდი: 220101222	ს.კ. – 440887239 ქარელი. სოფ. ქვემო ხვედურეთი მომსახურე ბანკი: ს.ს. “ ვითიბი ბანკი” ბ.კ. – UGEBGE22 ა.ა. – GE07VT0200002622793602
სააგენტოს უფროსის მ.შ. ვასილ ბასილაძე	დირექტორი თამაზ ლუხუტაშვილი



მოამზადა: სახელმწიფო შესყიდვების სამმართველო:



შეთანხმებულია: საფინანსო-ეკონომიკური დეპარტამენტი:



იურიდიული დეპარტამენტი:




ვეტერინარიის დეპარტამენტი:



ხ ე ლ წ ე რ ი ლ ი
ინტერესთა კონფლიქტის არარსებობის შესახებ

ხელის მოწერით ვადასტურებთ, რომ შპს „დრუნჩას“-ს მიმართ სრულად ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.


სსიპ „სურსათის ეროვნული სააგენტო“-ს
უფროსის მ/შ




იურიდიული დეპარტამენტი



ვეტერინარიის დეპარტამენტი



საფინანსო-ეკონომიკური დეპარტამენტი



სახელმწიფო შესყიდვების სამმართველო

